

晚

晴

移

詩

匯

晚晴簃詩匯卷一百六十二目錄

張之洞 六十九首

晚晴移詩匯卷一百六十二

徐世昌

張之洞字孝達一字香濤晚號抱冰南皮人同治癸亥
一甲三名進士授編修官至體仁閣大學士贈太保
謚文襄有廣雅堂集

詩話文襄詩不苟作自前集僅二百餘首瑰章大句
魄力渾厚與玉局爲近晚喜香山有句能將宋意入
唐格蓋自道其所得也平生不喜昌谷謂其才短非
其格高亦不嗜山谷之詩其詠摩圍閣云黃詩多槎
枒吐語無平直三反信難曉讀之饒胸臆如佩玉瓊
琚舍車行荆棘又如佳茶薺可啜不可食公詩皆黃
鐘大呂之音無一生澀纖穠枯
瘦寒儉之氣故其所論如此

哀時

刁調青蘋末終致沙石飛鬼職金隄高安知蟻穴危清晏
五十年養此氓蚩蚩文吏吾公醉武卒市人嬉江南信可

哀河北守者誰勢欲括赤縣與之作潢池秦極否所伏剝
窮復繼之秦否乃天道剝復在人爲天道已板板人事仍
熙熙

人日游草堂寺

人日殘梅作雪飄出城攜酒碧溪遙無端杜老同心事四
海風塵萬里橋

杜工部祠

少乞殘杯道已孤老官檢校亦窮途榮名敢望李供奉晚
遇難齊高達夫憑仗詩篇垂宇宙發揮忠愛在江湖堂堂
僕射三持節那識流傳借腐儒

今嚴鄭公詩三
首附刻杜集

銅鼓歌

咸豐四年黔始亂播州首禍連羣苗列郡擾攘自戰守盤

江尺水生波濤南盤江帶興義府境府兵遠出連城陷合圍呼嘯煥

徒驕純皇天章久愈炳義民豈惑狐鳴妖嘉慶二年南龍府苗變城

守經年獲全賜府名爲興義高廟製詩一首旌之刻於郡堂我先大夫慷慨仗忠信青

衿白屋皆同袍共守城者皆文吳公祠下水清泚百口併

命廿一朝府城有十八先生祠祀明季吳貞衝焚巽聽賊

計盡鑿門而出窮追鈔民兵五千憑感激疾如振穽覆其

巢奢香係頸降道左濟火革面居前茅不見援師助空拳

那有饋餉分簞醪三城百寨并掃蕩安南普安二縣新城縣丞城次第克復

箐谷黯黹湔腥臊收其積聚供館穀放其牛馬還林皋俘

其子女赦不殺授之畚田使耕薊清酒一鍾亦不飲獨取

一物深於丁甯短於簪降夷稽首述故事傳自漢相安猶

猺嗚呼漢相信神武拜表討賊先不毛豈不知秦川宛洛

皆爭地未清堂奧難及却隄官隄構四郡戴攻心一語參
軍教範銅爲鼓賜會長坎地寶護埋山坳歲時祀鬼乃敢
擊蘆笙巫唱紛噉嘈不然戰鬪合徒衆花鬢赤腳奔相招
一面足可直百牴擅一爲富擅十爲會豪鼓亡苗滅古記
語以威報虐將焉逃鬼方冀方遠遙遙致之重煩氎席包
連弩銅牙雖罕觀此物猶見天威萬古懸雲霄圍徑四尺
脩八寸四耳無當約其腰文螭蟠拏朱鷺翥細乳三百有
二相周遭髣髴篆文不可辨屢煩畫肚終牙聲土花紺碧
沁肌理靄紋宛轉環皋陶中心瑩滑不留手恰受二尺楮
椎敲良辰會客風日美水面考擊鳴蒲牢如觀溪崙跳明
月宰牛呷酒歡相邀忽然蠻風捲瘴雨中有鐵馬聲蕭蕭
一擊再擊轉激楚戰場萬鬼皆嘑噪不用趣戰用行酒銅

龍悲憤發長號國初諸老始賞詠黃湄秋谷俱清超查氏
書堂復繼起

宛平查禮以銅鼓書堂名其詩集

徒爲玩物爭抽毫我聞燕

然旣振旅仲山寶鼎來歸朝此詩述德因愛物子孫永寶
當不祧藏之宗祏無忘在莒事亦知乃祖乃父於國宣勤
勞剖符領郡三十載不蓄長物甘蕭條羅施石醜不足載
此鼓只如薏苡來南交聖人有道四夷服何用大食日本
歌金刀

五忠詠

黔亂最久死忠者不可勝數此五人皆余知交貴州僻遠湮沒者眾矣

石阡知府嚴謹叔和

浙江桐鄉人先大夫以署貴東道率師剿下游苗教各匪

嚴爲幕僚後死石阡之難

溪峒飛鷺處淒涼馬援兵樵蘇艱一飽秦越厄連營快勝
寶僚智扶衰骨肉情如何箕尾促不得話平生

署都勻知府高廷瑛式如

江西東鄉人以進士知縣募勇自請隸先大夫

賊軍討

文采蜚科第稱師艾至堂

艾東鄉名士高為艾入室弟子

義師巡助遠儒

吏伍從王肺附皆虞殞同袍又國殤城雲叢壤氣祠俎並

英光

前任都勻府署貴東道廉壯節公丕宗夫婦自焚署都勻府石均不屈遇害皆余至戚先後都勻府三任

難皆死

署貴西道巴圖魯于鍾岳伯英

漢軍于襄勤公成龍之裔孫殉難知

縣崇鑒之子

部曲從先子艱難矢石中論詩七子傑破陣萬夫雄縞素

孤兒淚

先以墨經從先大夫軍

丹青乃祖風牂柯遲悔禍不奏貴西

功

戰功最偉貴西悍賊略盡賊深恨之戰沒後僅得歸元

思南府學訓導張鴻遠

甫成傾蓋乍遽報夕烽來鳳羽寒雖短豺牙厲不摧渙奔

時事棘

府縣官吏皆遁惟君一人殉難

守道腐儒哀懷咽烏江水相期愧

不才

張君與余一見有知己之言

册亨州同雲騎尉劉寶善

以禦粵匪戰授其父官河南滑縣老岸司巡檢

首發李文成亂死節國史有傳

賢子册亨吏尊公老岸司卑官如一轍慘節不同時野哭

紅江暗

册亨屬貞豐州在貴州邊境與廣西以紅江爲界

招魂碧血滋欲求公百

輩爲帝守邊陲

東海行

東海在何許乃在神州東振策登之杲萬里青濛濛日月
星漢互吞吐江惟何濟來朝宗鯤壑蜃窟多詭怪齊人道
是蓬萊宮但見天吳鼓浪黑那有珊瑚樹殷天紅君不見排

難魯連子玉貌卻敵圍城中抗疏胡邦衡屈膝苟活羞容
容一怒便欲從此逝甘狎魚鼈隨蛟龍皜皜不受濁流滓
懷沙惜誓將毋同我本海濱士獨銜幽憤希高蹤坐對天
池一長嘯枯桑槭槭生天風王倫不斬秦竟帝吾舍二子
將安從

送莫子偁游趙州赴陳刺史

鍾祥

之招

黃沙舞風白日晡

子偁近
日別號

東書戒僕夫何事犯寒鬚

凍結南渡衡滌饑來驅臣朔履破不足道君亦如此堪盧

胡蚤年高名動帝都西南鄭莫稱兩儒健爲文學毋斂尹

三千年上攀爲徒盪體慣作孟郊語瘦硬能爲李潮書今

年京國朋不孤瑰琦跌宕劉與吳

伯前工詩喜談經
濟子珍工古文

經生

壯士各異態臭味自合無差殊劉歸吳逝君去國遠游寶

瑤何人沾君詩送我西山麓重裘裝纒去聲秋林疏九月余將游西山子偃作詩送之有重裘記裝纒句我歌送君燕市外劍筑蕭瑟冬原枯勿飲趙茶澆趙酒平原公子無時無

海水

時方北狩熱河

海水羣飛舞蜃螭甘泉烽火接令支牟駝一旅猶言戰河上諸侯定出師地孽竟符蒼鳥怪天心肯使白龍危春秋王道宏無外狹量迂儒那得知

十載艱虞選將才牙旗玉帳上游開不關陸九綸言痛已見陶公義檄來槃敦肯捐河北地衣冠幸免廣明災江頭餘燼千門鎖蒲柳無春更可哀

古風

橘柚生雲夢童童如羽葆甘果既纍纍冰蕤亦嫋嫋華實

均足珍眾彫見孤好霜中溢清芬能香不願早世人稱松
桂茲物不復道乃知耳目外蘊藏多瑰寶

上山采苦菜青青不盈筐暮春茁寸玉食之生清涼菲薄
野人味豈薦鼎俎旁自殊春薺甘敢望秋藿香貴人饜芻
豢腸腐亦當防爲君已內熱恐君不能嘗

山雞對鏡舞盤旋無時休文章召爭競知與生爲讎不如
抱我樸神與太素游儵忽不相鑿攻取當無由人世縱迫
隘持此狎海漚

西蜀嚴君平下簾玩道德襄陽司馬微善鑒仍守默褐衣
賣畚人治亂若黑白抒之不可旣閔之亦自得士不差貧
賤有道處巖穴

布衣受人恩甘以身爲酬白日見肝膽微生如蜉蝣荆卿

一酒人晚遇燕太子搃柱虎狼愁氣奪鎬池鬼戰守衛已
盡出奇豈得已信陵破秦軍只爲得士死所惜時已晚未
並劇樂美趙吟山木下齊栖松柏裏大義獨燕存光芒照
易水

惟鮪悅同淵惟鹿安茂林灌莽何所戀寒葢樂以吟大道
隨所挹志士各有心殊塗訾異端黨同感知音不好自不
知暖姝豈足欽爲謀無相強偏至方鉤深八紘羅羣彥一
目焉得禽

良馬千里足媚人不如狸毬場逐雞狗安辨駮與騏不道
無所用安知非其時塞草動朔風噴玉偶一嘶朝刷醫無
閭夕飲西母池但酬伯樂顧豈爲黃金羈

霜氣隕萬物長夜耿不眠獨立望九垓高穹負難攀斗杓

倦不轉流星如雨繁昂畢生芒角三合惚恍間文昌傾厥
僅王良失其鞭獨有積尸氣燦白如純縣參旂靡不張枉
矢鈍不穿蜚縮元武頸號怒白虎顏森森華蓋下熒惑豈
敢干警旦盼神雞輝輝扶桑顛

吹臺行贈任邱邊雲航

嘯臺低吹臺高臺下瓦礫生黃蒿登臺弔古逢吾曹故人
誰歟今邊鄙大梁本是霸王地至今白沙三丈沒城壕五
季如風青城虜惟有信陵死不腐中原蕩蕩不自立金戈
蹂踐徒辛苦當年汴水入泗流清明上河尚可游南下朱
仙四十里大車磷磷小車輶輶徹夜無時休一自河決汴
流斷中州貧索來寇亂錦衣甘食皆河兵那有健兒習征
戰君來蔡州營我去宋州城宋蔡相望列三帥千羣邊馬

仍橫行僧親王營柘城幫辦毛侍郎營歸德河南鄭撫部營汝甯擒匪騎兵名邊馬爾我少年
容易老王粲從軍歡情少飲我酒爲君歌金梁水月吹酒
波試看戰骨白豈惜朱顏醅抱關俠士不可見只有憲王
樂府堪吟哦

采桑曲

紫燕對舞春風柔風開桑眼青如油家家曬箔急蠶事女
伴不作嬉春游十七鴉鬟臂苦短大婦扶將小婦挽蠶瘦
葉稀不滿筐那有心情更迴眼誰家游俠兒鳴鞭陌上走
自覺口中銜石關不知纖條傷素手春日脈脈春雲陰恨
無綠綺通春心路人千百說長短自惜年華自不禁君不
見魯國秋胡婦忍死不受狂夫金

登牛首山望終南曲江樊川輞川作歌

我升燕臺望太行西旋北繞如龍翔今登牛首望秦嶺南
面連橫如堵牆截然平壤起都會桑乾渭水渾流黃幽雍
以外降一等汴京釜底洛土囊金陵僅棲偏安主便有岐
陀號龍虎臨安湖山最靈秀低首稱臣翫歌舞乃知邱壑
與湖溪止娛寒士游醯雞文章綺靡士氣薄市廛儇巧民
心攜赤烏草草樊山駐烏喙鬱鬱會稽棲平城廣莫魏猾
夏和林荒苦元開基遼金並起黃龍外周秦先居汧渭西
建國由來戒沃土勢高氣厚人文武潤色繁華由後王當
年山川本樸魯關中今日少王氣奧區自全非上計持戟
百萬無定形以雍比幽廣狹異小儒論都逞雄才欲建行
宮望幸來小戎不敵回紇馬陸海已盡南山材方今天
子守四海提控豈在西秦隈碣石難將渤海阻丸泥豈禁

函關開後擁突騎護遼瀋前調兵食收江淮一朝立國有
根本況復駕馭今恢恢守國在德亦在險大險惟有軒轅
臺

極樂寺海棠初開置酒會客

今日不雨明日復不雨白日能笑花能語今日不出明日
復不出迴風舞雪隨黃土火急邀客城西去絳蕾如珠點
碧樹莫嫌來早香未齊猶勝繁枝逼春暮當年合抱二十
株主僧蛻去花亦枯一株傑然似房老新叢稚齒闔娟好
憶昔上林未罷時侍臣下直尋春嬉五侯七貴來覓醉棋
子方禱青螺卽今游賞雖蕭索靜晝晴光亦不惡那須
銀燭按涼州巾履徘徊到日落秦翁白髮非少年心情猶
逐春風顛手裂冰縑寫豔骨醉來輒就花陰眠

其日秦謹
亭被酒離

席熟君不見定惠院宇今寂寥碧雞坊底生蓬蒿畫成題
睡詩付老衲要令來者思吾曹

送王王秋歸湘潭

王爲某故相密
故有中郎之感

鳴華鐘調素琴漆室老女方哀吟不嫁不悲好顏色不知
何事傷春心春心千里歲華晚洞庭風起白波卷游子對
酒思故鄉秋士登高悲送遠不如一觴歡今夕此會不比
新亭集橫流能無滄海憂陸沈差免神州泣情懷難遣游
梁人聲價猶同入洛日機雲入洛正青春屣履公卿競到
門東宮絕豔徐陵體江左哀思庾信文筆豪費盡珊瑚架
墨瀋書殘白練裙璧月如花照瓊樹漢皇好文偏不遇談
經何意動紅陽獻策豈能感楊素貴游偶饜五侯鯖微識
早成豪士賦作賦雕蟲悔誤身橫刀負羽恥依人河北軍

中呵太守征西坐上笑參軍十年偃卧衡山裏侯王徒隸

崢嶸起已知馬槩勝文章猶倚儒冠侮兵子鄉人不薦馬

長卿生意才騷殷仲文種柳江潭忽已老蓬萊再到今揚

塵閒關北來誰共語朝野歡娛奏鐘鼓干官重見漢威儀

故宮仍是周禾黍

王秋新製圓明園詞爲人傳誦

詞客弔奇偶經過野望

蒼梧涕淚多不信禳災憑屬王竟符妖讖陷銅駝沈炯登

臺空拜表梁鴻過關獨哀歌哀歌莫被中朝怒拜表幡然

念鄉土淮南叢桂娟娟生不樂留住長安城秦嘉上計終

思婦王式微來本強行九疑窈窕湘波綠高樓正臨湘水

曲女兒授學書滿牀小婦彈箏美如玉儘添鴻寶付名山

會聽蒲輪動空谷君去江干蘭自芳君詩蕩氣更迴腸欲

從無奈湘潭水我亦金門執戟郎

題彭侍郎畫梅畫爲何人所藏其人亦能畫

今憶其
人乃謝

磨伯
也

春分三日雨雪霏閉門蒙幕簪熏衣忽撐冷眼看冷畫怒
蕊貼幹交柯稀此花倔強如此老老將畫筆龍天矯暈墨
偶用華光法放筆羞摹仲圭稟但見嶺頭月挂樹不知世
上霜殺草豈止霜寒冰已堅長松巨柏今凋殘時曾文正
公薨薨
獨持幽豔媚空谷石腸玉貌無人憐日日畫梅萬毫禿寶
刀繡澁髀生肉西鄰有客喜貞苦故遺驛使慰幽獨君欲
報此一枝春何不畫作孤生竹

秦子衡爲孫駕航畫崇效寺丁香海棠卷

奔走幽僻尋春花白紙坊下逢僧家禪房畫掩草斷路幾
年不見金犢車朽株卧草強八尺當年曾媚嬖春客小輩

薄豔不成嬌婀娜銀鉤黯石墨王

洋朱垞

種花留詩句翁

覃吳屋

題詩補花樹兩孫來游尙有花和詩寫花費毫素

丁香麗數千株圓海棠霞暈扶春煙至今紙上鬪香色疑
驕似妬如能言國初可憐多詩老翁吳後來才漸小祇今
又作古人看爭使紅芳不枯槁勸君莫問西來閣壞壁空
廊宿燕鴿唐賢石刻苔錢生故相勝書蛛網絡京洛歲歲
花連天只有才調慚前賢此圖不滅花不老人物蒼茫二
百年

題董研樵太華衝雪圖

白日無語天雲同浩然忽憶蓮花峯望之纖掣類仙子編
衣練悅凌虛空大麓乍叩玉泉院棄基更求集靈宮冰堅
石泐馬蹏蹏賓從斂手無能從獨裹旒裘結膝屨濟勝之

具天所豐樵蘇不出行迹滅往往虎內

同

參麋蹤噓氣在

鬚作集霰懸瀑凍澗僵長虹紅衫躑躅出林表那惜素面
務寒風舍馬而徒更十里乃拂落雁過蒼龍蹠緣猱附兩
俱絕鐵絙下引天能通金神逃匿博箭爛玉女老禿天漿
封回頭胸慄不敢視千里銀海欺青瞳巖阿道人拔關出
瞠目訝是真靈逢忍饑不聞噪乾鵲閉蟄免使愁元熊下
觀三輔只窪埵飄飄便欲游鴻濛何用投書駭世俗自厓
而返亦已雄歸來人家皆偃卧呼酒百倒頗黎鍾趾戰手
拆定始覺襦袴更取桑薪烘看山琢句鬪清峻槎牙咄咄
生心胸兩過華陰不登眺悔我前日殊恩恩貴人游山待
供帳如此幽險誰能窮伸圖洗眼真歎絕天下健者惟董
公

九日慈仁寺毘盧閣登高謝廖伯何鐵生陳六舟朱
肯甫董研樵陳逸山王廉生同游

吾欲反悲秋秋氣實快哉木落天雨霜萬里無氛埃志士
如黃鵠人海厭沈埋且登三藏閣何異九成臺磴道旣多
剝步欄又已摧秋花亦疏薄辛苦殘僧栽紛然儔侶集解
帶傾尊疊晴空擁太行萬馬脫銜來蘆溝濁似湯薊邱低
如坏決雲一雕起拂霄羣雁排逸氣翔寥廓頓使襟抱開
諸公皆能賦一一大夫才下視九陌人營擾徒喧厯年年
有重陽望古令人哀此寺盛明季法筵開如雷國初猶莊
嚴廟市奇書堆亭林質廡住漁洋游春回近日壽陽相重
復闢蒿萊坐客皆龍虎張石陳願朱伯韓曾文正梅伯言嘉會
已陳迹行徑生荒苔各自有千古恨不相追陪撫此白露

零感我元鬢衰靡靡枝上葉常被商聲催請看雙蚪松鐵
幹無摧頽牛山景下泣秋井杜衡杯二子孰爲賢悠悠非
我懷

戒壇松歌

策蹇尋山盲殘暑食宿招提已四五仙嶂靈湫那得逢枉
使人畜揮汗雨精廬雕飾爲壇越佛衣彫剝見黃土佛法
一綫在戒壇叩門先聽松聲寒橫廣平臺五十步穆穆護
法排蒼官墨雲倒垂逾萬斛壓折白石回闌干潮音震盪
纖璫掃氣象已足肅羣頑矯如神龍下聽法赫若天王司
當關十松莊慢皆異態各各凌霄鬣一株偃蹇甘獨
舞不與羣松論向背此樹問年臆可知開皇下迄耶律代
門內白足鳴鼓鐘年年傳法欺愚蒙何人飽食攜坐具享

此萬壑清涼風風動樹開見山趾帝畿浩浩窮百里長波
如帶抱壇來歷劫不枯桑乾水回望西山眾精藍只如房
蠡與穴蟻彼法開山信有人善踞靈奇爲栖止定知末法
三千年法終不滅松不死

同張繩庵訪僧心泉因與同游南窪

簪組如林森機械拙者轉喉招喚怪辛苦酬答兩無益適
野尋僧差足快清遠無如龍樹閣風水鱗鱗藻蒲稗白日
閒澹罕游人午鳩獨鳴寂梵唄三人不知誰主客錯綜談
端等鍼芥會心卽答倦卽默茗椀無溫聊一啜此際鞿鞅
盡擺脫何異枯柳指馬疥禪客灑落不參禪偶參金石及
書畫遠識阮儀伯姚伯昂近戴鹿洲劉燕庭略述舊聞資感喟海甯
達受號博古忙眼炯炯同宗派縹囊犀軸積如倉投老盡

償柴米債此亦五陰障真如今朝始入四禪界文暢愛文
心無著如滿游山力未憊我雖鈍根可漸磨師老難迴年
齒邁留此孤雲伴我游灑然何知世網隘

五北將歌

廣州副都統烏蘭泰

桓桓都護鬚髯紫平日愛兵如父子

都統在京爲入旗都統待兵最有恩爲謀

生計剛民屠羊者號羊肉牀價以重息割旗

兵公爲設法還債而禁其私借旗兵以紓萬里征討毒

瘴鄉能結士心得士死左江右江賊如麻四方征調糜蟲

沙按礮持燧不敢發一里以外猶呿嗟始將火攻教懦卒

可惜利器無開花

鳥在京管火器營以長於火器著稱

老罷據險氣山涌水

寶孤軍搖不動黑夜出奇卷甲來以少擊多無旋踵獨恨

諸軍不和輯老將兀兀成孤立桂林橋上鐵雨飛

公中礮重傷旋

俱

五管軍民同雨泣嗚呼庸相真無謀棄駿任驚禍神州

當年若使烏向為兩翼安有長鯨直下江海成橫流任贊相

兵和春後以為翼長利在諸

湖北提督塔忠武齊布

湘沸江騰虎出柳千城百壘如摧拉誰翻敗局據勝勢破

賊首見滿洲塔艱難起義曾太傅左提右挈無人助猛火

光裏識奇男一旦英雄歸駕馭塔署長沙協守備以南來

帳下三百人公以長沙協標兵三百一一材武皆冠軍童

雲彭元劉宜畢金剛豺虎四人皆部下楊岳鮑超黃翼李

成謀諸將皆三百人之內楊長沙協湘陰汎千總

沙協軍門神武殆天授能用水師兼步兼統水師船數

其部公自教將校親兵六六合槍訣無人學公自教將校親兵六

下公自教將校親兵六六合槍訣無人學公自教將校親兵六

六出必先入歸殿後上游湘潭城下游九江郡行二千里

無頓刃兵勢如龍賊如草百船鏃鏃一宵燼歸營僵卧不

知人公至九江後謀畫戰鬪勞苦過甚每戰歸輒卧牀若昏眩逾三四刻始蘇聞之公部將云明朝葦

食仍陷陣田鎮故壘臨江湄父老言之歎且悲中興諸將

列茅土開創風氣非公誰我聞但有勝將無勝兵惟在運

用能神明請看塔公部下諸將士豈分勇營與綠營公所部有

湘勇寶勇長勇湖南撫標兵長沙協兵滇兵及水師

西安將軍多忠勇隆阿

明公將步布將騎縱橫天下皆如意胡公東征善知人鮑

步多騎左右臂收取太湖扼潛山奇兵橫絕集賢關馬隊

八百敵萬眾無髮無捻無精堅陳狗失穴如游沸鼎內安

慶無援已在掌握間江淮大局進退在一戰挂車河水流

血成朱殷古來騎將專擊搏今看陷陣良足樂灌嬰季布
平陽侯不及將軍有智略關中禍亂留花門三輔焦爛無
完村外援到陝已卻步劉秉璋之軍敗於陝西鮑超聞調入關辭避不往內兵渡
渭徒逆奔陝撫劉蓉所部屢敗將軍鐘鼓鳴灞上終南山色開朝昏
盪屋堅巢城如鐵將星遽碎城亦裂以攻盪屋城中礮卒其曰城竟拔部
下金順善豐長順穆騰阿王陞曹克雷正館餘威掃盡蔥嶺雪
從來步騎難兼長何況能謀能戰平生無敗創所恨倉卒
不待一二載生寫形容上紫光

科爾沁僧忠親王

南軍尙持重北軍尙剽疾湘淮兩幟戰江表河北獨有名
王一中原曠蕩幾千里鐵騎騰蹴一萬匹神京旣奠遂南
下年年征討無休日海東勁卒材昂藏奉天吉林黑龍江東三省馬隊漢

南蕃部性雄強內蒙古四十九族目噴語難孰能馭指揮赴敵如

驅羊射雕羽箭二斤重詐馬繩竿九尺長正兵螺旋迭進

退馬隊進戰皆為螺旋陣退亦如之奇兵鳥翼相舒張不知何者為兵法

但見萬馬併為一馬無能當王全不依古來營陣之法自言吾馬隊不論多少戰時合

為一人連鎮街馮官屯杞縣城金樓村白蓮池上東捻滅

馬山口外西捻奔大沽夷船亦奪氣咸豐己未王防天津海口擊敗英法兩國

兵蒙城苗練先亡魂大功數十小戰不知數所到驚呼赤

面如天神王面正赤見者驚為闢壯繆誠感悍鎮化野性陳國瑞善戰而最桀驁服

王忠誠奉令惟謹指授良將成高勳張曜宋慶自從王征討後戰益力名益起殘寇狂

走趣戰迫強弩穿縞不自惜紅旗一隊稱軍鋒先向平原

灑戰血紅旗馬隊副都統恆齡最盡殲大憝覆鳥巢有名

皆殲盡有名以追賊急戰歿汝州蒙毫捻巢甘酬素志歸馬革廿年大帥多如林車後遺棄

為滿洲武達文通一門裏國難家讐在西域孤兒甘赴邊

城死絕遠無如塔城孤斗入斯科環雜胡藩籬外收哈薩

克塔城一帶內哈薩克倚角內結呼土圖棍噶札拉參曾

賜呼土克圖號驍勇善戰布多塔爾巴哈台一帶蒙民

皆附之有眾十萬屢與俄邊人戰錫深與結納相為倚角

俄人侵軼者輒擒治之俄深忌兩人屢言於朝求斥去之

遂疊經吏議革職暫緩離將軍任清語克為語助辭若

呼土圖三字無克字有匈奴未滅家何有閉壁不許通妻

孥妻不自都赴之閉門墾荒起疲變重鎮鄂博一步誰能

踰西鄰責言眾積毀熱血未冷霜盈顙玉門望斷敵人喜

刀筆糾擿紛紛起私交不責許田鄭山東巡撫張曜借洋

後事發戶部為奏請市租獨苛代郡李戶部劾其借俄商

不符撤恩寬僅殺飾終儀柳髮淒涼歸萬里二卵棄將古

銷郵典有之長城頓壞今已矣鼓鼙聲壯磬聲悲我皇聽之思者

誰屯田未熟征夫老界上來爭帕爾碑

金山觀東坡玉帶歌

黨人文字毀不留章蔡疾之若仇讐帶鞞一圍落方外山

僧寶之若天球豈惟僧俗知敬愛壓伏海門百靈怪曾瞻

黃繖對延英更抵傳衣鎮法界傳衣傳鉢碎南華

達摩傳六祖衣

鉢在韶州南華寺明提學道魏校莊渠椎碎道君玉押埋胡沙可憐攢宮一片

石理宗不保歸真伽世事由來有反覆故主謫臣殊榮辱

南巡聖藻身後榮宣仁社飯當年哭我哀公遇誦公詩八

州徧到拜公祠

眉州嘉州杭州黃州登州定州瓊州廉州皆余所到

一事堪令古人

羨今是天海澄清時四大五蘊皆空相惜公愛公公豈知

欲訪中泠桑田改紫金浮玉成陸海京口十年作戰場緇

徒千人無一在此玉不焦亦不濡龍珠上護白虹采義眉

險巇瞿唐艱不如北固好江山妙高臺上月明夜應見驂鸞數往還

謁胡文忠公祠

樞軸安危第一功上游大定舉江東目營四海無畦町手疏羣賢化黨同江漢重瞻周雅盛山林始啟楚風雄長沙靖亂誠相似未及高勳又赤忠武昌縣寒溪有陶桓公祠今存此袁宏東征賦語精金百鍊在割能斷功則治人職思靖亂長沙之勳爲史所讚侃封長沙郡公公長沙益陽人

二老當年開口笑九原今日百身悲公與先大夫手札云之信與南溪開口而笑者果日云云南溪乃爲役差幸心源早得師聖慮當勞破吳後雄心不暝渡河昌黎韓果靖公名超韓與公皆余受業師也敢云駑鈍能時公聞熱河北狩請自率師入援次年安攘未竟公遺憾間定陵上仙病遂篤數日即薨

傲福英靈儻有知

彭剛直公輓詩

神州貫長江其南際漲海江海幸息浪砥柱今安在持危
望同心事棘公不待回憶越稜昏炎方門戶殆天降江神
尊氣吞海若倍軍離終成睦民恐頓忘餒雪濤擁虎門兩
角高崔嵬孤軍壁其外免胄不披鎧共苦感士卒任難服
僚案虎門曩爲廣州前敵黃浦爲次敵前粵督以淮軍守黃浦以水師提督率粵軍守虎門提督怨之以故粵
淮交惡公於虎門外沙角大角二山築礮台自督我亦受
湘軍守之粵淮兩軍皆愧服聽指揮無異詞矣
危任同臭若蘭苴論奏出腐儒謬謂謀可采凡防海規越計畫兵食及
諫阻停戰撤兵諸事余意皆與公合摺奏王師入龍編虜
電奏皆余屬藁聯銜會奏公不易一字
肉不足醢擣虛勢已成行成逞欺給返旆三軍哇撞斗老
夫唉天鑒剛且直慙言宥不罪兩年栖庵閭擇地斥爽塏

霧潦看墜鳶浸淫中肩骸爛爛紫石棱疏髯蒼繞頰扶掖
始下牀英姿終不改九州服威風所至絕姦賄燦爛婦孺
口張皇及瑣嵬畫梅徧人間自吐冰霜藟北歸未過衡一
而至今悔余移湖廣本擬自韶州度嶺取道衡州由湘入
鄂便視公疾後以有奏明過滬商榷之事遂出
海道不得急難不尸位此意空千載袍澤入魂夢孤憤結
磊硯鯨牙日鋒厲箕尾失光彩羣蒿豈任柱雨泣問真宰

易實甫以司馬溫公殘帖硯見贈乃溫公與其姪九
承議手札後半段其眉亦缺數字就殘石作硯葉
東卿故物翁覃溪刻字題爲斷碑硯誤上有元吾
子行印及昌齡印昌齡滿洲人乾隆時官學士多
藏舊槧本書余每見之印朱文曰長白敷槎氏李
南澗日記載其人疑此爲昌齡所刻諸家真蹟法

帖不詳帖何名又不知真蹟在何所此其半石也

介甫書顛狂子瞻書豪縱穆穆司馬公落墨必謹重邪異

賢亦殊朝局成一閔宵磨黨碑名俘掠花石貢貴賤在公

道殘帖今傳誦遺書問九郎無異鵠驚諷忽憶停雲帖書

勢相伯仲

文氏停雲館帖有溫公與潞公札

結體取寬平挫筆少縱送固

知任誠慤或少智術控譽王已過厚任蔡良可痛獨惜通

鑑豪細書失充棟此石僅八寸其價璆璧共幸免佞人污

壺盧未押縫易生信忼慨如石充僧供坳墨謹洗滌廉棱

戒磨礪作我方正友批筆豈敢弄嗟哉六月相昊天不祚

宋紹述肆詆誣天怒神怨恫

釋言恫痛也卽是痛字

政荒相若鬼敵

喜國如夢居洛十八載伏如雞處甕有園甚荒率忘機到

僕從花藥助讀書獨樂不與眾我意獨慕此守黑甘無用

點易滴新泉石田春可種誰能考鳳墅抱殘誇博綜宋曾宏父
刻鳳墅帖皆賢臣端士書今止存數卷
在歸安姚氏口口口有鳳墅殘帖考

蜀葵花歌

蘭論晚蕙論畝荷華菡萏澤陂有看花滿眼意始快艱苦
驕矜何足取世俗貴耳鬪奢華洛花道好蜀葵醜十千一
窠且難得不賞園林賞罌缶可憐光采弄頃刻愁陽愁雨
勞邏守田閒野客愛蜀葵謂是易生兼耐久娟若芙蓉鬪
秋霜直如棗麻出蓬莠爛然千朵應時發糞溉豈出園奴
手美錦難比縑利用河豚豈如鯉適口廣庭廓落無雕飾
蘿薜挂牆一尺厚花光噴溢充虛堂最好旭初及雨後我
欲表微張此花爲集嘉客傾美酒此花雖賤君子貴君子
爲誰司馬君實號迂叟

溫公蜀葵詩白若綴初斷紅如顏
欲酡坐疑仙駕儼幢節紛駢羅物

性有常好人情輕所多首
蒲儻日秀棄擲不吾過

登采石磯

艱難溫嶠東征地慷慨虞公北拒時
衣帶一江今涸盡祠堂諸將竟何之
眾賓同灑神州淚尊酒重哦夜泊詩
霜鬢當風忘卻冷危欄煙柳夕陽遲

石鐘山拜水師昭忠祠坐芸芍齋

南疆水戰兩奇蹤赤壁東來數石鐘
千里江湖成竹破一時賢俊等風從
靈旗月閃驚栖鵲壘空波鳴起睡龍
太傅功名誰不贊服公勝算在從容

江行望廬山

先約陳伯潛同游
陳不到游亦輟

朝見廬山臨江潯青翠騰躍來迎人
暮見廬山忽杳靄首尾隱若龍登雲
從來倔強五嶽外彭蠡作杯江爲帶
內蓄

百澗包靈奇外切太虛定澎湃江表名山數第一儼若大
賢兼通介尋幽有約近十年療渴須酌康王泉學道未成
游未遂誰令恩遽妨蕭閒思得素心共山水海客狎鷗呼
不起蒼蒼五老笑我忙高檣長風送旗尾山林聚會尙阻
格世事難爲可知矣人愛廬山高歐公有廬山高長歌一篇我愛廬山
深欲到深處須抽簪世無慧遠堪結社且聽東林鐘磬音

題潘伯寅侍郎極樂寺看花圖卷

西郊密春雲出門澹塵慮陟原得清曠卽麓轉盤互漣漣
循澄流靄靄見嘉樹南直貝子園北眺西涯墓鬱鬱鬢陀
林諸天散香霧喬幹膚散藹藹灌叢容妍婢哲王珠榜書成
親王題經師松牌句洪雅存詩侍郎敬愛客于野集簪履鳴
珂僣從屏行廚觥籌具所憾期集遲絳雪紛委路撫柯倦

勝賞駐景託絹素前游值始華嘉會我未與後游已爛漫
良辰薄春暮令姿少長年畸士艱良遇主僧笑我愚狂華
擾真悟請圖鎮山門永救善神護俯仰成今昔興懷等視
序穠華有枯苑妙墨無朽蠹授簡不能辭竊比寒具污

秋興

歸鴻警邊吹離羊嘶商音夷則傷萬物肅然惻我心夕漙
砌菊露晨損庭柯森元蟬閱曼響蜻蛚振促吟虛堂紉細
素珍此一寸陰隕落悚困學激顛愉煩襟褰衣覽城闕披
露西山岑涼宇絳疎斂頽照碧氛沈登稼農休耒授衣女
急鍼荒陂稍夷曠蒹葭猶蕭慘此日歎竭澤昔游鑒清湛
潘生賦不達漢武樂已淫玩易自無悶歌唐獨思深欲辨
誰爲質命賤聊孤斟游息止藝圃翔集耽文林誰云秋可

悲且操履霜琴

正月初二日同楊叔嶠登樓望餘雪

自醜銀旛白髮人晴光喜見照城闔山通佳氣猶明雪江
泛柔波已漾春冠佩漸勞知老至羽書方急愧年新湖南
會匪蠢動今日發兵往捕憫牛誰誦河東賦清嘯南樓恐不倫

秋日同賓客登黃鵠山會胡祠望遠

羣公整頓好家居又見邊塵戰伐餘鼓角猶思助飛動江
山何意變彫疏三年菜色災應澹一樹巖香老未舒我亦
浮沈同湛輩登盤愧食武昌魚

九月十九日八旗館露臺登高賦呈節庵伯嚴諸君
磯上嚴城晚吹涼淩風壯觀補重陽柳仍婀娜秋生色荷
已離披水吐光風動白波寒楚佩夢回青瑣在江鄉寒煙

去雁窮懷抱強爲羣賢一舉觴

慈仁寺雙松猶存往觀有作

千步廊前車如織歸來中滿不能食無聊欲共草木語城南雙松上胸臆琳宮百堵無片瓦遠見精神出草棘偉哉衣冠綺與黃曾覩秦火三月熄龍鱗如掌醜愈妍返照在頂晃黝碧崇效僧圖遭掠賣長椿九蓮難蹤跡此寺資像亦俄空佛救不得憑誰力訪舊多爲游岱魂求如汝壽那可得同游俱是感慨人藉草相看到曛黑往年妖亂等一夢錦庫成灰銅仙泣遺此區區老禿樹豈足增壯帝京色雖不中用亦復佳

左傳杜註無能爲役猶言不中用

留與後來阮亭望溪

弄筆墨

和雲門南河泊之作卽同九佳韻

江海無能一病骸獨欣藪澤免塵埋早涼樹鵲聲先喜殘
睡漁翁眼乍揩謀野曾無裨謫獲游車姑學邵雍乖鑑湖
儼荷君恩賜致仕何妨被硬差

中興一首答樊山

流轉江湖鬢已皤重來闕下撫銅駝故人第宅招魂祭勝
地林亭掩淚過前席頗憐非少壯小忠猶得效蹉跎神靈
今有中興主準擬浯溪石再磨

九日登天甯寺樓

過關當行復暫留數將新綠到深秋貪看野色時停騎坐
盡斜陽尙倚樓霜菊吐香侵歲晚西山滿眼隔前游廊僧
亦有蒼茫感何況當筵盡勝流

白日一首示樊山

又到山寒木瘦時黃雞白日去如馳詩才已爲塵勞盡霜
鬢空教海內知送遠添愁身是客解憂無效酒盈卮夢中
爭苦煩驚醒櫪馬依牆齧斷其

正月十七日發金陵夕至牛渚

牛渚春波淺漲時武昌官柳已成絲東來溫嶠曾無效西
上陶桓抑可知

政務處諸公招同樊樊山廉訪游積水潭示樊山

東省夔龍坐上齊招涼同到後門西舊人惟有樊山老愁
絕僧牆續舊題

對岸喬林付爨煙

水西會通寺老樹數百株盡爲寺僧所伐

荷花愈少愈堪憐

雖然不是滄桑事但惜西涯變稻田

國子監拜熙文貞王文敏兩公祠遂觀石鼓

戟門階下綠苔生鳳翥鸞翔老眼明人紀未淪文未喪歸
然十鼓兩司成

留滯都下日久時有唱酬

李越縵謝麟伯王霞舉袁漸西宿草萋區區風雅亦陵夷

薛能自忖無功業不恥粗官好說詩

拜寶竹坡墓

翰苑猶傳四諫風至尊能納相能容楓林留得愁吟老長
樂疏星獨聽鐘

百疏危言日月光差傳子政作金方市樓一棧良鄉酒那
得魚頭共此觴君貧甚官侍郎時嘗浚晨訪之惟新熟良
鄉酒一罍與余對飲更無雜菜惟鹹蘆一

襟而已用
魯宗道事

過張繩庵宅

廿年奇氣伏菰蘆虎豹當關氣勢粗知有衛公精爽在可
能示夢傲令狐

過蕪湖弔袁漚蓀

七國連兵共叩關知君卻敵補青天千秋人痛晁家令曾
爲君王策萬全

民言吳守治無雙士道文翁教此邦白叟青衿各私祭年
年萬淚咽中江

士民祠之於
中江書院

鳬雁江湖老不材百年世事不勝哀蓋公堂下青青樹曾
見傳杯讀畫來

蕪湖道署中漚蓀用宋人蕪湖故事作避
舍蓋公堂丙申二月余還武昌過蕪湖漚

蓀留余及幕僚
賓客談讌竟日

讀宋史

南人不相宋家傳自詡津橋警杜鵑辛苦李綱虞允文

天祥陸秀夫

輩追隨寒日到虞淵

李綱閩人虞蜀人文吉水人陸楚州人皆南人

讀白樂天以心感人人心歸樂府句

誠感人心心乃歸君民末世自乖離豈知人感天方感淚
灑香山諷諭詩

晚晴移詩匯卷一百六十二終

晚晴簃詩匯卷一百六十三目錄

王先謙 二十首

吳汝綸 十四首

任其昌 十四首

曹秉哲 七首

濮文暹 十六首

朱丙壽 二首

江璧 二首

姚斌敏 五首

吳世晉 一首

胡壽頤 一首

孫詒讓 六首

孫德祖 十首

劉溱 七首

朱衍緒 二首

秦際唐 四首

陳克劬 三首

晚晴簃詩匯卷一百六十三

徐世昌

王先謙字益吾號葵園長沙人同治乙丑進士改庶吉

士授編修歷官祭酒加內閣學士銜有虛受堂詩存

詩話葵園精學古學著述閎深早歲作詩蒼涼沈鬱

雅近少陵晚學東坡益見變化余在京師無一日之

雅而心欽其人其弟子平江蘇興湘鄉陳毅皆余門

下士也宣統間詔舉碩學通儒以葵園一人陳奏公

子與祖復調充郵傳部司員代易時移葵園歸道山

已閱數載余同年吳子修銘其墓云有魁一儒奮起

湖湘甄綜六藝言提其綱早謝纓紱屹乎鄭鄉閑彼

邪說乃剔乃攘挺挺志節矚如雪霜所言非諛足以

信今傳後今子修亦下世矣

贈李禹臣

李名謨善化人晉臣中表戚也亟稱余送晉臣詩遂定交

不是從黃憲何緣御李君竝名中表錄同揖上將軍鐙几

晨聯草戈船夜定文猶拈渭城曲願我許同羣

戲東禹臣

軍中不眠宜作候當食那辨幾觴豆怪君文潛肉山肥苦
學子美飯顆瘦卽今黃州電掃平放筆試草洗兵行丈夫
能事上下馬叱咤會有風雲生

自黃州南返登岳陽樓

甘入煙波伍老漁拂衣長嘯別飛艫舉頭明月黃泥坂落
手扁舟青草湖流涕憑軒仍似杜得魚攜酒不如蘇茫茫
身世今何著賸欲呼天問左徒

早起

不寐看窗色徐行映日華水田深戲鴨村樹暗辭鴉煮茗
依叢竹移盆接早花市塵亦不遠幽意自山家

曉晴

春氣滿庭陰山低日色侵蝶來花更韻鶯轉竹逾深倦起
書拋架微酣酒浣襟輕寒散曝背時作白雲吟

維舟

維舟近高岸散步出平陸春氣浮野田細麥青如沐行行
入巖徑人家聚山腹笑語空外飄炊煙澹相屬桃花三兩
紅幽景媚林麓農人歸日夕行歌去相續羨彼室家好媿
我身世蹙悵然獨移時飛鳥入窮谷

夜行

暮色悄而至羣動迷所向新月安天中斜陽盡水上長年
猛一榜及此帆無恙舟疾四野迎風雄萬流讓寒犬吠人
語密樹動鳥吭村遠意先親途平膽欲壯進退兩無主愁
思焉得忘時來騎危蓬注目落清曠

過耒陽有懷杜工部

自古湖南地難招旅客魂漁歌屈顏悴鵬賦賈鰈吞抑鬱
憂時老潺湲伏枕痕當年下巴蜀何苦向湘沅罕見親知
面徒拋肺腑言蓬蒿辭朗照杯炙落塵喧森森衡陽去依
依郴岸昏聶賢空接待崔舅謬溫存實識湖邊旄虛謀漢
上園厄深千載慟道屈百家尊舟子傳疑墓詩翁問舊村
公真懸日月我亦走乾坤浦樹思依倚灘流有憤冤篇章
極冥契飄泊共誰論

遠游

遠游俗慮靜永日求所適雨餘沙自清睡起山更碧幽禽
低水語叢篠亂風色呼茗喜新煎課詩矜創獲見聞猶昨
事邁往續陳迹終藉藥餌扶乾坤小行役

贈子美

牙幢待入百蠻煙

時將隨李相督師入黔

美意猶聞部曲傳利引唐

河歸故道歡騰樊鎮溢新廛雖爲五日張京兆頗似三年
白樂天遙想漢濱開祖帳襄陽耆老淚潺湲

酒後賞雪舟中

薄醉不自倒銜杯對玉山猶能醒詩眼何處看塵寰風弱
舟微重天空鳥任閒光搖明鏡裏復訝失酡顏

莫愁湖東曾劫剛

江南眼入十分愁及到湖邊萬事休水宿連宵鐙暗雨風
吹破帽客登樓遙山溼霧仍侵曉高閣孤尊自送秋來歲
尋君行樂處夢中同上采蓮舟

題龍皞臣詩草

龍名汝霖攸縣人知山西高平縣

朔風吹微雪被酒昏不醒
畜眼見龍侯使我志氣盛
世烈蔚通材儒術成健令
舊知德業廣近接詞華勝
浮空波瀾老入冶金鐵
迸攀古學陰何步今揖王鄧

王秋願言舉高

翻側聽敷新政再讀縣居篇私懷國楨慶

將以重九放榜前一夕書此贈繹序偶談及新修滕
王閣之勝故并及之

憶年庚午初乘傳長壽虎頭同筆硯青袍白紵四千人手
拔高材充上選一朝兵氣洗滇海濟濟英賢赴秋讌汪子
告余同志難他日持衡應請念羲輪下坂倏幾載與君被
命辭深殿握手千言見夜鐙論心一盞忘朝膳邇來文格
變已甚誰挽狂瀾注天璽功名有命君所柄心目雖疲余
敢倦妍媸略似較美人洗盡鉛華見眞面喜從湖口得異

石終恐豐城埋古劍重陽已近風雨來一夕微寒襲深院
桂舒丹藥正堪折菊泛清尊催入宴傳聞新閣高插雲好
看秋心澄曳練卻思舊日飽游衍剛是殘黎脫征戰百廢
未舉官私急遺址難尋桑海變西山南浦待公來碧瓦朱
甍儘題徧人生會合有夙分意氣許與蒙深眷李侯共被
又一時賀監服膺那足羨擲簡聊歌白雪曲傳衣各有青
雲彥君看夜靜奎宿堂射斗文光如曜電

自菴丈以董香光畫卷見贈賦此志謝

大江驅蜀下海門東陵中扼禹所云洞庭北貫江橫分極
望長沙空白雲華亭宗伯畫苑傑家在江南卧黃葉夢游
賈杜傷心地萬古湖南自清絕扁舟上溯縱所之千巖萬
壑皆生姿遙睇衡山泊湘渚應是先生閣筆時

畫自京口
訖於洞庭

混茫無際其上方畫衡嶽數峯蓋以衡山勝境望遠寄思
而洞庭收局取浩渺無窮之勢案杜子美入洞庭詩以過
南嶽入洞庭湖爲題其詩云鄂渚分雲樹衡山引三百年
舳艫先生畫意本此或以地望爲疑不學之過耳
來如逝水斷縑玉碎埋燕市亂雲脫壤隨卷舒殘樹迷離
半生死吾師筆法華亭傳一一點染還天全少陵脫字真
可補道子破佛嗟無緣公今付我傳孫子他日南歸水雲
裏呼兒展畫對瀟湘再拜謝公不敢忘

寄黃觀虞太守

頗怪郵筒問訊遲年來佳趣我能知先生書就元和腳侍
女妝成天寶眉似說懸弧慶張盥定教學筆歎羲之吳中
老學渾無用病榻孤吟鬢似絲

蒼梧山

山海經郁州山也

當年滄海東南坼想見神山高下開會稽失卻白水峽鬱

州半割蒼梧堆我疑溟鵬慣遠徙不數靈鷲能飛來已陋
景純箋草木試招虞舜歸蓬萊

東坡登常山廣麗亭詩相將叫虞舜遂欲歸蓬萊

戲贈寄禪師

時衡山人以嶽寺田爲寺僧侵盜延師主方丈董理之然事不易了也

道人心如水鏡寒笑視塵海空迷漫忽逢童子擲瓦礫清
冷不覺生微瀾異時佛杖何住著四海飄飄一行腳閒田
招客誰使令坐遣天機落禪縛世無姬文化鬪爭虞芮幾
時來質成拂衣長嘯入雲去汙渠蚊蚋徒縱橫君不見趯
瓶倒鉢古壇主田與上人安所取

沙門訟田事見南史劉顯傳

纖埃不

著一物無請更從師下轉語

述懷

余幼好奇偉不畏俗子詈食其雖儒冠仲翔有高氣偏側
閭里中恥顧蝸蚓餌長懷千載友甯論一室事弱齡經喪

亂樓船管書記老彭曾競走

子在水師嚮導營一日見彭剛直公問子能走乎對曰能

公上岸疾行予從之至一市鎮小憩則三十里矣光緒丙

子予主浙試楊中丞昌濬與公招飲於西湖公邀余上岸

繞孤山諸寺而歸頃刻間十數里公笑曰壯王時並騎主

吾老不能疾行君若此尙是幹事身子也

王公吉後終於不能從俛仰頗復多慢易尙枉孟公留甘

狼山鎮總兵作楊津避忽逢長沙友邀共泉陵轡飽看山水歸窮途亦

高致隴西開幕府陝南佇儒帥中道有分張微材免瑕累

梁公實桓桓膽氣固少二抗手杯酒閒披肝野營次大江

平若席酣卧有餘地

駐營漢口

謀報羣撚來早市纏妖燧深宵

呼起起草檄不成睡尙想九真役凶徒俄蟻萃元戎空蹙

目老將或垂淚飛礮鳴我前高唱倚薄醉

余與巴陵廖君在圍中共爲戲

劇時有戲子突圍走天門道左紛賊幟湖橋中夜斷縱馬

從帳上穿過

泅更墜移軍斬水縣張幄孤峯翠炙背當驕陽披襟逐涼

吹營於縣隔河山上夏日無習勇喜觀陳受降甘報使有

數十通款求一人往爲信歸蹴踏骸骨場見慣了不異顧慚

百鍊質庶獲一割利何期忝高科謬得陪清位低心就繩

墨眵目覷文字肉食遠謀虛頭銜流俗貴悠悠世事改冉

冉頽年至方隅空砥平瀛海競鼎沸我如祖士雅時有聲

警寐又似曹景宗尙憶火出鼻事願每自違身世已無繫

由來撫髀歎不溷洗耳志艱難況飽歷生死久慙置天公

不見收水伯亦屢棄三次溺水遇救長歌射虎山奮袖嘯猿寺十字

夢中所得悠哉復游哉終已快吾意

送吳子修學使慶坻歸杭州

廿年不踏長安地夢想朋游醉文字聞君持節渡湘來喜
入鐙花照無睡知君慧眼湘月明信君澄懷湘水清賢名

一日播萬口邦人引領神先傾甄文採弊不遑恤遠接朱
適亨然張嘉近無匹乘輅崔浩時共榮奏賦相如自稱疾王程
三載甫經年何意告別乘歸船君身豈藉官職重所惜多
士無良緣明廷袞袞登英傑不信扶危少施設育才堂館
高切雲勸學文書紛似雪樹人敢謂匪嘉謀城社狐鼠難
可搜狂夫橫議懼民散相忍得非根本憂我今伏處成衰
暮籍口藏身真自誤君雖暫歸行入朝莫忘青蒲陳諫疏
吳汝綸字摯甫桐城人同治乙丑進士官冀州直隸州
知州賜五品卿銜有摯甫詩集

詩話摯甫以古文辭名一代嘗仕曾文正李文忠幕
究心時務不以文人自域光緒辛丑以長沙張文達
薦命以五品卿銜充京師大學堂總教習旋赴日本
考學制歸國遽卒詩廉悍恣橫直逼韓杜尤喜和作
用韻矯變出人意表晚游日本其
國中士夫咸以得其贈詩爲榮

次韻和許涑文觀察擬諸將

見說關城卧鼓聲又聞應響變鳴雞三邊列障通青海九
市華筵舞白題武帝威棱歌寶馬黃支職貢記生犀長城
約束分明在可任邊人節度攜

絕域歸來更大何辦裝未辦口懸河乘槎路遠天憂大縛
馬書來國論多一借荊州還豈易盡拋甌脫議尤訛雲蒸
龍變歸神略回首滄溟久不波

四海游談願識韓壯圖先見戰皋蘭出塵軍略戈鋌老絕
塞風煙道路難麾羽幕前遲謝艾盤矛帳下渴陳安匡時
一疏扶清議早晚天山看築壇

諸葛雲霄萬古名卽君仗節事孤征料知樽俎衝能折休
道關河草不橫東閣異時陪客座宗臣高論屈人兵家聲

燁赫懷柔遠元老垂紳且仰成

卧虎潭潭守便宜人中著蔡仰前知兩隅略地無長鎖萬
國朝天有亂絲得意軒車曾寵鶴當時田獵夢非彪艱危
此日紆籌策明自仍聞岳牧咨

北征別張廉卿卽送其東游

昔人各有千秋抱百不施爲乃著文化擲黃金眞誤我縞
穿強箭獨憐君堂前莫漫嘲輪扁後世安能無子雲元凱
盈朝身暇豫且須呼酒叩皇墳

我歌伐木行求友鐘簴蕤摧不肯鳴海運鯤鵬通變化氣
聯龍虎有逢迎漢陽晴樹帆初遠鐘阜秋雲酒共傾早晚
探奇窺禹穴儻因朔雁一傳聲

攝任邱令張君琴府以東坡雪浪石銘屬題

至人發興真卓詭以畫喻石石喻水埋盆激水寫離堆坐
攬岷峨五千里岷峨到眼歸不得海上石芝行可食鶴峯
雪浪舞階砌高齋法供無消息閭浮一漚身一葉嗟石與
人誰主客奇章平泉真大惑不見北齊冢中石去入誰家
作階城公自注張君裝池蘇銘爲圓圖圖中實以北齊墓誌亦定州所得者張君告余云此誌石近已爲人取
張侯也是好事人藏此紙本如奇珍豈會東坡思兩孫
意亦故山聊心存平山堂下君家園樹石幽好泉娟娟何
時宦成歸林泉百株石林對窪尊仇池九華安足論

過朝鮮王京

攘臂言兵議已疎銳身字小卻良圖分民本計適已事竊
帝一時聊自娛千載箕封遺俗在九州禹蹟遠鄰無鯁生
目睫疑空論魴鱖枯魚勢故殊

游本願寺

一鑑傳過海祖印提來未低頭拜空王乞與轉輪慧如來

大木作高棟一國不能兩若無百圍柱頽壞欲誰仰祖師

舊日園林勝三年間劫灰臨流驚結構疑是釣魚臺居漱枕

天上止一月自可印千池那用鑿鄰壁光輝共有之印月

舟勢已欲轉扶危仗柁工紫藤在彼岸祇借一帆風迴棹

任其昌字士言秦州人同治乙丑進士官戶部主事有

敦素堂集

詩話士言官農曹有聲乞養歸遂不出懸主天水隴
南講席成就人才甚眾同光以來隴右風雅闕寥士
言詩有格律思力沈厚與
吳柳堂侍御可稱二妙

夜坐書懷

昔賢在窮居憂樂同天下小人志溫飽氣量不可假乾坤

含瘡痍安得常蕭灑鉛刀貴一割何用輕注瓦婉孌入歧途立身慙大雅寄言軒冕客營營何爲者

微雨灑輕塵春郊送遠矚草木有生意萋然變微綠吾心本澹蕩胡乃自局束倚杖數過鳥緣源尋水曲卽事自蕭灑何必更秉燭世路有夷險知足庶無辱日暮復歸來圍鐙煮醯醢

鄉思

豺虎飛騰日乾坤戰伐餘歸心懸井里生計失樵漁西海猶傳箭東軍敢射書安危關大計天意定何如

東道王師至豪華誤將才秋風空按劍春色病登臺雨雪旌旗暗梯衝郡國開淒涼三輔地處處長蒿萊

天長三秦禍人摧萬里城悲風號大樹冷月照危旌竟奪

全軍氣何曾小敵輕遺民過二曲飄灑淚縱橫

讀史雜感

令史蘭臺絕妙辭燕然終欲樹豐碑雄風爲震葡萄塞小
雅應歌杖杜詩豈有天心歸白帽誰憐地角望朱旗鳳林
魚海皆王土莫遣蒼生儘淚垂

北庭寒月夜臨關回望煙塵一慘顏禹貢不通蒲類海堯
封欲棄賀蘭山尙聞虜帳擒生遠曾是將軍奏凱還可惜
如絲天際水年年流血到人間

甲馬飛騰壓隴東大旗落日動蒼穹千軍榆塞猶排陣十
載天山未挂弓豈有班超護西域翻教師曠驗南風男兒
不負封侯骨合在忠勤慷慨中

北平飛將舊登壇新息雄威老據鞍王氣山川應未歇人

才今古欲同看雲鵬未見搏風起
鋌鹿翻愁走險難地老天荒須努力
未妨亡命有彭韓

冬夜雜詠

莫笑微雲滓太虛粼粼清水總無魚
敢言西子真殊色也道南華是僻書
漱石枕流存慧解別風淮雨聽鈔胥
人生只有忘機好黑白分明計便疏

素衣京洛染淄塵百歲誰全不涅身
長坂秋蘭庸作佩小山叢柱枉留人
清風月白原無價鶴怨猿嘯信有因
試聽商顏采芝曲可憐黃綺未稱臣

大王山

黑水之北山嶒嶒陰岑遮迴半邊日
孤根低蟠地底深方頂高聳雲間出
暮色入林生黯黯陽光滿野轉蕭瑟
稜稜

白石礪鋒鋌慘慘黑紋傅髹漆豈有藤蘿綴長蔓更無槿
栗垂秋實鬼神呼雨峯巒重魍魎嘯風崖壑溢我行其下
畏宿窳人跡未逢增慄慄徑途在眼又轍迷隸子攢眉愁
路失澗水曲注走蛇蚓峽角束窘羅桔桎最憂棘茨能破
肌爲陷坑阱屢屈膝負耒不見收野芋登梯誰與割崖蜜
捫參厯井古所難履險乘危茲未畢仙藥舊聞采方壺天
池行且窺太乙瀉豐鄩杜不汝容寂寂孤雲閉石室

唐倉道中望花石山

幽壑散曙色寒煙開遠汀清瀾卷白石水激風泠泠北上
得平陸孤村道所經衰柳墮黃葉晚花生微馨南山獨磊
砢百里羅高屏近矚煙漠漠遠眺雲冥冥作勢欲飛去屈
蟠蚪龍形初日升海嶠霧散天容青岩巖視吳嶽未始相

逕庭植基不得地吾諗謂山靈

廟兒嶺

嶺雲橫高天石氣青濛濛暮色蒼然至萬壑生陰風躋攀
千萬仞絕頂誰能窮迂路至山脊下視幽谷重澗流怒奔
峭水石相撞春兩山挾之走攢拏飛雙龍秋樹莽交叉密
竹森橫縱三五見聚落慘澹茅茨空注坡輾露草驀澗踏
霜紅巨石蹲當路磊磊垂元熊翹首見新月懸挂蒼厓東
旅栖尙何處眠色逾昏蒙谷口清風寺市墟抱危峯脫驂
晚飯罷倚枕聽僧鐘

曹秉哲字吉三番禺人同治乙丑進士改庶吉士授編

修厯官山東按察使有紫荆吟館詩集

詩話馮展雲論吉三詩源出中晚而泛濫於誠齋放
翁所作澹沲調適工秀軼羣亦間以直致標奇以縱

言取暢又嘗作螢詩有露重
上衣難之句時人盛稱之

和吳梅村宮扇

宣皇避暑通明殿碧檻丹幃開四面照夜誰呈越國珠招
涼思換齊家扇南內宮中御製奇良工雕刻采章施薄縹
蛺蝶千絲繭柄削珊瑚二尺枝丁歌甲舞看不足匣啟玻
璃環佩玉紗暈輕搖燭燄紅羅紋細疊簾波綠五月皇都
富貴城榴花十里曉霞明昭容帶醉交釵影侍女承歡動
釧聲離宮宴罷櫻桃熟一卷幽風揮汗說九華殿角南薰
來在抱冰壺兩清絕禁苑頒傳賜近臣閣門攜謝拜恩新
雉尾移來雲五色蛾眉捧出日雙輪水晶簾捲煙如繡玳
瑁筵開花獻壽入手爭誇書畫名回頭翻笑蒲葵陋幽賞
由來愜聖衷清涼世界畫屏中銀牀冰簟芙蓉夢霧鬢煙

鬢茉莉風玲瓏絕代翻新式轉眼繁華增太息一自秋風
怨洛城殘絃斷竹無人識桐葉紛飛夕殿涼菱花瘦損美
人妝彩綫空教金鳳繫丹符徒把玉麟張舊宮零落新宮
廢遺物摩挲悲割愛寶匣蕭條蠹粉殘華箱寂寞魚鱗碎
苦憶君恩祇自哀雕紅鏤翠總成灰祇今惟有南樓月猶
似當年扇影開

移家

十載怱怱疾若馳一身泛泛渺何之家如客燕頻營壘官
似殘蟬又過枝時由詞垣遷諫院檢點琴書餘長物流連花竹勝
前時閒雲一出渾難駐惆悵還山未有期

苔

地老天荒處無人有綠苔空山闕秋色大造出閒材剝細

雨絲織衣輕風剪裁可憐花落盡幽徑爲誰開

歸鳥曲

天涯一隻驚霜鳥欲歸望遠心
踟躕踟躕不歸問何意答
言恐負高飛志高飛壯志難遽酬
可憐倦翮無時休不如
株守故林侶飲啄翱翔得自主
吁嗟乎鳥不歸兮棲何之
鳥竟歸兮哺何資將歸未歸兩難決
愁煞斜陽欲暮時暮
景人間容易變及時歸去鳥莫戀巢中老
鳥淚如霰

不寐

春來愁易覺况值雨侵帷
運蹇孤名早心閒怪夢遲
柝聲將盡夜鐙了未安
詩漸老豪情減聞雞總不知

題孫忠靖公遺像並墨跡詩冊

無計挽乾坤悲風弔雁門
尺書徒促戰一劍痛銜恩
竹寺

詩中影蕭關月下魂至今生氣在成敗不須論

人誤天尤厄身亡國亦休血膏沙草碧淚湧雨霖愁忠憤
偕兒女清涼負壑邱遺篇誰解唱榆塞鬼吟秋

濮文暹字青士溧水人同治乙丑進士歷官南陽知府
有見在龕集

詩話青士嘗官提牢恤囚有善政出典大郡有澤於
民詩早年多閔兵事似張船山晚歲旁涉禪理又似
汪大紳

書事

我生誤文字平賊無奇術遠聞三里城受攻四十日報國
固不才亦莫救家室有弟殺賊歸猶抱老母膝膝前妹嬌
癡向之索棗栗忽驚刀矛撞投懷涕潛溢是時屋瓦飛雷
從地底出煙中互長梯與賊相甲乙三登而三墮催以萬

籌策全家爭督戰，不躲避斧鑕致身臣。應爾寸土守敢失，
賊富民愈貧。雀羅鼠更掘，雀鼠幸未空。全軍仍以律朝向，
大吏述暮向。大吏述大吏無援師，忍怒日受叱。昨日兵力
分十已遺六七，近郊賊方橫。山城遑與恤，馳書慰眾心。此
情不忍筆，但言大軍來重圍。破可必訛語，紛刺耳入夢。亦
不吉，仰天問消息。鴻雁杳無一不來，肝腸裂來亦肝腸裂。
上言民可憐，下與骨肉訣。我思化黃鵠，飛入羅網缺。賊營
三十里去，恐羽翼折。將心且隨月，黯照戰場血。旂漬血花
紫，月下慘成列。登陴見予季，此時心骨熱。書生弱有年，一
旦橫磨鐵。老母素憐兒，今不聞嗚咽。昨馳告急封家書，竟
斷絕公義不及私。此舉太豪傑，獨不計汝兄。請師喉屢噎，
家人祇解哢首蓬。面不潔巍巍，雨花塚深深。大義穴德薄。

者祀斬或免天所罰服官三十載吾父多清節生兒誠太
愚處世又不哲恃此臣子心安危總一轍聖詔渴求賢所
恨學盡拙男兒好身手甘茲塵土滅煌煌君父恩及時好
施設

癸亥自夏徂秋偶有所得彙而錄之既無次序亦不

標題 六首錄二

微笑忽破睡情夢媚幽獨春煙定後痕蕩漾在心目欲說
境已忘烏語碎空綠

老蟬斷續吟夕陽亂明滅雨氣集空林攬之有餘熱悠悠
一寸心事事鬱相結復此多炎涼何處生分別腥風吹斷
虹雲腰又中截

喜雨

丹鳳城頭風漸清
黑龍潭畔日將傾
纔聞祈澤傳天詔
便起挑鐙聽雨聲
清曉農歌應旆旒
東南軍令可分明
關心衣帶黃河水
好爲淮流洗甲兵

今戰場篇

古戰場沙與蟲
今戰場罷與熊
天戈西揮日不東
昨日將軍今上公
美人載歸千櫓
艦豈無夫家皆鬼
雄烏鳶狐狸飽不
盡髑髏磨苔生青
銅嗚呼今戰場猶
照古時月嗚呼古
戰場不染今人血
古人戰場重邊功
今人戰場中原中

入蜀

雲蹤留印古蒼苔
猿鳥驚疑客子哀
雲雨有靈誰夢見
河山無恙我歸來
一夔守險成孤注
八陣窺圖失將才
聞道玉關猶遣戍
莫將灩澦比龍堆

送清環道人南歸

再見能幾何別君復茲晨深意幸有託仍恐含未申感君
萬里來愛我性情真往往作痛語不爲傷孤貧半生無所
有何以贈遠人去去君莫愁敢不惜其身亂花插行李錦
水亦何春願持一勺水預洗征衫塵

人生大邂逅多在阡與陌飄零各異地異地成咫尺持來
雙鏡光互照好顏色豈惟照顏色肝膽了不隔平生失途
馬顛蹶在荊棘君旣宛轉導又爲施羽翼君今棄我去好
春失消息柳條與梅花爲誰更妝飾本自無遠別生滅年
僅百所悲再見期又非此旦夕旣作有情物得不淚沾臆
登堂慰君母母正縫衣裳衣裳亦何麗鬢髮亦何蒼知君
當早還君還我何方君今別母時有我相扶將行當我別

母不見君在旁勞燕各背飛春風爾何忙獨餘慈烏聲繞屋空徬徨

峨眉六月雪芙蓉半城花花開雪再春游子當還家憐我諸弟妹風中塵與沙楚澤香采蘭越溪寒浣紗羣流盡歸海君亦平泛槎次第相見之因緣滿天涯我懷不堪述轉爲君長嗟

秋夜感事

蠻花犵鳥鎮相憐無那元戎苦著鞭入蜀錦袍爭豔豔賽秋銅鼓自淵淵牛腰萬井金銀氣蚨血千家子母錢卜式已貧劉晏死登樓憔悴獨籌邊

花姑沈醉竹郎祠雞卜喃喃問出師風雨萬山人鬼界芻糧千里聖明時最難拋擲黃金賞欲訴功名白骨知聞道

滇池半清淺至今鵲蚌苦相持

過涪州有感

先大夫宦歿於此州人立木主北巖歲時祭祀

十五年前淚江流尚有痕滄桑一家感君父兩朝恩山色舊城郭水田新子孫北巖幾回首俎豆最消魂

天中節舟次感懷

朝辭白帝暮黃牛雲水恩恩漫洗愁佳節思親便西笑大江拒石不東流文章有用期前路家國無依剩此舟野艾山榴空自好憐他風露滿汀洲

早發山海關

歸心無遠近一夜度重關蛩語月孤枕馬蹏秋萬山長安舊礎杵樂府大刀鏤不是邊兒曲金閨應破顏

夜吟

簾捲香依舊書拋睡未曾雨聲在黃葉秋影坐青燈官事
遠行客孤懷入定僧平生辛苦地霜月碧澄澄

朱丙壽字少虞號夢鹿海鹽人同治乙丑進士授戶部
主事歷官潮州知府有榆蔭山房吟草

渡揚子江

一江春水靜微波柔艣聲中聽櫓歌醉眼漫疑滄海小客
愁爭似暮山多飛飛北雁銜雲去葉葉南帆背日過每念
壯懷悲擊楫秣陵西望尙干戈

朱儲村訪徐次雲

用福

半村新綠樹痕齊訪友無端到剡溪背指錦川橋一曲亂
山深處夕陽低

江璧字南春江蘇甘泉人同治乙丑進士官武甯知縣

有黃葉山樵詩鈔

村居夜坐

黯黯霜華重漫漫月色昏蟲聲咽枯樹人影滅孤村犬吠
別家客鄰敲隔院門寒窗鐙一粟相對悄無言

晚泊如皋

浮生飄泊走關河落日平湖水不波沙鳥漸隨帆影滅炊
煙都雜海雲多漁家有圃栽松竹樵徑無人長薜蘿烽火
年來未銷歇江鄉何日靖干戈

姚斌敏字子廉漢軍旗人同治乙丑進士官漳浦知縣
有木癭庵詩存

雨後望西山山色

雨洗長空淨西郊日又西雲光天外落山色馬頭低古寺

紅泥塔柴扉白石谿無須尋栗里長此結茅棲

蕪湖舟中

雖無祖生志慷慨且登舟山色朝昏異濤聲日夜流靈風
殊恍惚沙鳥自夷猶落日宿何處蕭蕭蘆荻秋

早至祁陽一晝夜行四百餘里矣

西風直欲撼天河水入江心九派多一夜扁舟落何處萬
重山翠萬重波

舟過金陵感懷

歌殘玉樹變愁顏從此鶯花屬等閒詞客浪傳三婦豔夕
陽多在六朝山依依鴻爪前蹤認渺渺春波短棹還高詠
不酬霖雨願也宜盟對白鷗間

莫愁湖

子夜歌聲出畫樓湖名從此擅千秋無愁天子愁還在爭似盧家有莫愁

吳世晉號晉卿秀水人同治乙丑補行辛酉壬戌舉人有語鶴樓橐

壬戌述懷

惆悵平生莫我知美人香草寄幽思南冠濡滯吹簫客北海飄零賣餅師門內有誰憐阮籍曲中久分失王維杜鵑不解人潦倒常向東風唱別離

胡壽頤字梅仙號耆仲浙江山陰人同治丁卯舉人官兵部郎中有洗齋病學草

詩話耆仲與其兄匡伯皆風流跌宕好作雅游李越縯有賦東雨君詩云上巳期佳客攜尊水石間展聲穿樹靜驢影過橋閒暮雨蘭亭渚春雲木客山停舟兩延佇寂寞載詩還又癸酉人日立春賦詩懷人云

胡家金玉真友昆養親讀書情彌敦車裘頗尙臨汝
飾科第行署高陽門梅仙年三十七以病廢病中作
詩自遣多言越事巷
語衢歌足補志乘

范紫紳自甬上來越喜贈卽餞別

藏書後起有清才

君族以天一閣名浙東

少慰良朋宿草哀祕笈驚

人傳世久輕舟奉母渡江來謝家裘屐留詩卷越國山川
照酒杯最是秋風添別緒海雲東望幾裴回

孫詒讓字仲容瑞安人同治丁卯舉人官刑部主事

詩話仲容精於攷據之學著書凡二十有四種其周禮正義墨子間詁二書尤爲世所推重東南學者奉爲大師詩詞多散失尙未編集

題焦山定陶鼎拓本

陶陵祭器尙流傳大禮尊崇濮議前丁傳翦除元后壽宗
彝零落二千年

題吉日癸巳石刻

崑崙西母事微茫黃竹歌成已耄荒不有騁騶千里足祇愁徐偃是真王

自題變法條議後

六典周官炳揭櫟輶軒絕域更蒐書中西政法原同貫始信荆公太闊疏

鏤丹瞽論陋儒冠屬草奇觚急就難戲門旬日成此冊縱篇愧不能精備也是屈平能制法卻愁騰怨到椒蘭

黨獄紛紛士氣傷秋荼禁網到文章蘭陵祭酒戲門久猶有新書法後王

午貫姑榆戰教宗

午貫姑榆見秋官壺涿氏景教十字漫與彼相類蓋中西大方術家皆有之

天飛旛苦連烽殺機金父終當盡要看潛霆起蟄龍

火器之烈

於今已極矣之天時人事必有廢絀之日其在電
學發微黃種將興之際乎臆見如是書以爲券

孫德祖字彥清會稽人同治丁卯舉人官長興教諭有

寄龔詩質

曉發西陵錢江舟次卽目

已是春深草未齊平沙十里卧長隄煙開日嬾江颿穩潮
落風微海燕低隔岸山光連遠近中天雲影自東西明朝
準醉杭州酒打疊新痕上客衣

趙瑾伯戶部

家黨

病瘡經月就診所苦輒投百有五

言煮三升酒朗吟數四當知其效也

癡蟆腹葬老蟾魄青燐亂飛沙草黑四更漏斷萬籟寂何
物么膺吹紫笛若有人兮髯植戟高擷綠袍岸赤幘暗鳴
叱咤摧霹靂當頭一喝鬼腳踏絞輦爲索穿鬼脊截蒲作

劍裂鬼革橫磨狼牙泰山石瘦臂獸爪嚼狼藉殉齒投界
豺虎食旋挽海水洗天冪二百八十晴峯碧

九日登風穴山

快馬蹉跎不可羈平沙十里秋煙飛眼前突兀見青嶂蒼
翠欲與高天齊道旁甘泉瀉清冽道上精藍矗金碧塔鈴
自語簷鴿鳴老鴟一笑諸天驚狡狴吼怒漱不走安得山
泉成美酒手捧瓠尊接飛瀑淨洗詩腸塵與垢可憐會稽
此落日把酒臨風度佳節阿兄莫上龍山顛醉看茱萸獨
愁絕

官莊

向晚荒郵酒一尊菜羹芋臠上盤飧嬾雲卷夕山都睡廢
壘經秋柳未髡馬帶飢聲嘶破驛鷁翻寒影入遙村霜濃

月黑雙螯美，斷火星星夢故園。

次韻譚仲修同年 廷獻 古意

乍可種合歡，不願采將離。與君纏綿意，續續春蠶絲。欲妝妝鏡黯，天涯一何遠。陌上花亂飛，君歸一何緩。去日復來日，自憐容鬢非。知君心不改，猶著去時衣。阿侯如妾長，君來應不識。宛轉文錦襦，是妾機中織。

與君始結髮，畫妾蛾眉長。妝成相媚悅，攜手登華堂。翹翹翠雲冠，皎皎明月璫。憐君抱美玉，三歲懷中藏。拔我頭上釵，珍珠十二行。爲君綴錦鞵，送君結客場。鉛華從此洗，寂寞掩幽房。君看縷金裙，摺破雙鴛鴦。

葉縣卽目

此鄉景物似東都，半可詩材半畫圖。十日老暉蘆荻瘦，千

村新種麥苗腴烏鴉向暝棲林屋黃葉因風入筍輿玉鳥
不隨仙令去夾隄流水浴雙鳧

閏月望夕京兆衙齋坐月

孤客坐涼月空庭似早秋樹深還見影衣薄不勝愁身世
雙蓬鬢乾坤幾泊鷗遣悲惟中酒何處可登樓

浙水三千里蓬山一萬重流年如激箭深夜又聞鐘客思
霜裳易家書下筆慵清輝空復好見汝更愁儂

古詩一首呈張孝達師

吾聞康回馮怒觸不周天柱折地維絕盤古錯愕天皇愁
可憐開闢費神力纖兒撞壤誰能修大哉媧皇鼓洪鑪補
天乃用五色之石頭中有一石不見收孤懸天中如贅旒
我過石所聞石語啾啾復唧唧爾何所怨爾何所苦高高

者天厚者地容汝頑軀那不足汝所石亦無所怨石亦無
所苦如我輩行者袞袞升天閭何況有人手持造化之橐
鑰能以陰陽爲炭鍊五金精寫躍冶之不祥毋使散作蚩
尤芒范大千界鑄成倚天長劍先剗吞月癡慕腸以次屠
裂天狗不教饕餮蝕太陽然後一釣連六鼇瀛海東盡斷
鼇足分排八極支穹窿再更十二萬年元會窮永永不弛
扶桑弓崑岡亙古無毒爛石壽得與天地同我獨棄擲無
怨恫

劉溱字芙裳黃岡人舉人官江陵訓導有小隱山房詩

鈔

詩話芙裳有讀史感明末死事諸臣八律其警句如
熊襄愍延闕云冰雪重關孤戍遠頭顱熱血九邊紅
盧忠烈象昇云西清有疏留宗澤南仲何人誤李綱
孫尙書傳庭云三秦使節飛星急六月王師轉餉勞

周忠武遇吉云宣庸苦望援兵絕巾幘空聞殺賊多
史閣部可法云能支南國偏安局莫救東林黨禍深
閩典史應元云苦淚任揮降將面寶刀甯斷一人頭
黃相國道周云東華塵土埋忠骨南渡河山付劫灰
瞿忠宣式帮云雲暗江頭龍返馭月明華表鶴歸
魂江頭緬甸城名鶴歸來曲忠宣族子某所譜也

苦兵

百戰淮南道烽煙尙渺漫民勞知禍稔世亂覺貧安野賊
援戈起羸軍袖手看窮途無限淚淒絕向誰彈

平安山弔吳

甄甫

制軍

朔雪寒風裂戰袍一軍桴鼓手親操澶淵辦賊成孤注都
督橫江擁萬艘墮水子顏空據馬瀕危光弼竟抽刀傷心
十丈陳陶水終古精魂咽怒濤

亂後和黃子鹿苹春望

東風吹柳綠毵毵一路煙痕障遠嵐莫倚高樓望天末斷

腸春色是江南

武昌江上送季父半青北歸

乍見各無語相看淚滿巾
鬚眉經歲改骨肉異鄉親
老大仍爲客艱難累此身高堂有衰白
長日憶歸人

渡滹沱

北風橫薊北大雪渡滹沱
野曠雲俱闊天寒水不波
關河燕趙險憂患帝王多
惆悵南宮道漁舟入浦歌

早發

瘦馬踏殘月模糊認驛程
路長愁日短風重覺裘輕
旅况寒尤苦名心老漸平
疎帘橫樹杪知有酒人行

漢皋中秋

木落江聲急天高雁影寒
何人此遙夜吹笛起危欄
屈指

秋將老回頭淚暗彈頻年好風月強半客中看

朱衍緒字鎮夫餘姚人同治丁卯舉人有大椿山房詩集

遲暮

炳燭流光倏已徂暗將遲暮切憂虞未能入世馴龍性只合論交到狗屠崖樹多陰滋雨露盆魚呴沫自江湖園林歲晚留生計會放山中養橘奴

桐城訪張相國故第

檠戟銷沈石獸蹲積牆涼雨蝕苔痕諸郎官亦登清省過客今猶識相門亂後沙隄殘劫盡生前華屋幾人存萊公自有非常業不築樓臺庇子孫

秦際唐字伯虞上元人同治丁卯舉人有南岡草堂詩

選

秋懷用昌黎韻

空廊飛流螢冷抱枯枝乾殘燄作深碧色若青琅玕謂是
腐草變安能比月團熠燿亦轉瞬偷息以爲安百年一朝
暮清淚流淋浪天地如逆旅游景駛若九勞勞車馬客何
不迴征鞍

馥馥秋坂蘭顏色難久好疏疏籬豆花爭妍苦不早孤根
互相倚誓以終始保嚴霜戶外催畏威兩俱槁生質本柔
脆零落勿復道

盩山雜詩

少年思致身浮名苦縛束垂老入名山山靈笑我俗及茲
補桑榆餘景未云促兩山相向中著我數椽屋門庭如水

清四圍長新綠戶後垂疏桐庭前植修竹短籬綠其間野
花扇餘馥一笑脫塵鞅斯人在空谷

方潭廣數畝垂柳蔭其旁雜以千株桃鏡裏窺明妝曲曲
支危橋孤亭遙相望山半留叢祠一角藏紅牆風來搖鐘
聲坐久聞花香白鷗亦忘機沙渚相翱翔

陳克劬字子勤丹徒人同治丁卯舉人有晴漪閣詩

棄婦篇

好月不常滿流波無重回爲婦被棄捐委落同枯蓼君子
申信義三載親結褵旣得託仁宇永謂親光儀整我玳瑁
簪潔我翡翠帷膏沐不時御爲君修容姿君癢妾搔背君
飢妾視炊君坐侍茵席君行隨履綦君喜共愉悅君怒同
悽悲身影兩依附清濁誰見嗤長風從西來比翼吹參差

時節一朝異言語乃致危霜威厲嚴冬勿復回春熙夾道
蕙蘭花下堂不能顧昔年從此來今日從此去妾來蘭蕙
芳妾去荆棘長含冤不用白所慮君淒涼君意本相親棄
捐由妾命君聽偶不聰豈謂出本性不惜棄妾身懼傷君
子情營蒯雖見遺君豈忘平生文軒臨玉墀昔時燕坐處
今應以妾故寂寞當日暮流蘇寶象牀鴛鴦昔雙宿今應
以妾故明月照單獨席上鸚鵡杯壁間文綺琴俱應以妾
故流塵日相尋蘭房深窈窕留待新人入願言勝故人母
使君意失百番拂君意豈無一日好醜行在君心勿爲他
人道他人萍水儔君妾昔綢繆他人鄙妾行亦復爲君羞
廣袖合歡襦昔時君家物持歸不忍澣上有君手澤寶鏡
玉龍纏妝臺舊繡奩貽留照新人似妾依君前君爲楊柳

枝妾心楊柳絲搖落有時遇纏綿無盡時

春陰泥人孤懷難遣效何大復明月篇體爲春陰曲
以寄情得二百八十字

春寒著人如潑水擁被不知殘睡美起來舉幔盼朝暾墮
地溼雲飛不起海棠一樹嬌春寒幾日春晴惜粉乾陰多
又壓玉肌損零落一庭紅雨殘鶉姑多事聲相喚喚起春
愁如雨亂不語斜窗對落花燕子微聞替花歎此時何處
不傷春何處傷春不損神綠楊津外扁舟子紅杏樓頭殢
酒人君行江上蒙春霧妾上江樓望江樹樹長江遠望難
通惟有分明夢來去夢魂一夜到江南妾意君心兩不堪
有恨綠波添曉漲無情煙樹隱春帆沈沈江上春帆重帆
遲苦被風吹送行人望斷最高樓遠水遙山寂如夢卻憶

高樓紅粉妝鳴鑪坐燼水沈香攪愁百丈游絲重惹恨千
絲煙柳長千絲百丈紛難理儂亦閒情坐相似白雲迢遞
望何窮紅豆相思渺難已閒齋寂寞下簾櫳故故欺人曉
院風散帙連編走紅蠹啟窗方網罟青蟲一般有恨和誰
訴永晝迢迢等閒度竟日傷春春不知流鶯嘯過桃花去

大觀臺望江

不盡寒濤瀉大荒海天東望思茫茫地分吳楚千秋壯源
溯岷峨萬里長終古有聲流日月祇今何處限津梁儒生
別有憑闌意不獨臨風感鬢蒼

晚晴移詩匯卷一百六十三終